

國家圖書館藏

線裝書局

稀見明史史籍輯存

《明季雜鈔》目錄

崇禎忌目
太子一案
錢鳳覽疏爭太子
三皇子紀
童妃案
左良玉參馬士英八罪
左良玉討馬士英檄
又檄
大清豫王曉諭
議禦
吳適下獄
史可法揚州殉節
召問遷都
馬士英答驛極
召封
長安門柱聯
弘光串戲

清議堂議事
大清豫王渡口
弘光出奪
馬士英逃浙
趙監生獄中立太子
劉良佐挾弘光回南京
南京遇變諸臣
大清兵下蘇杭
國家乞數
按此碑是闖滅清妄之意
路振飛
黃得功
凌駟
左懋第
華允誠
龔廷祥
嚴紹賢

王獻之
金聲
盧象觀
顧所受
吳易
侯峒魯
黃淳耀
吳勝兆
馬士英
趙之龍
王鐸
阮大鍼
大清移史可法書
史呆法答書
高查上肅王書
肅王復書
甲申四月朔南京公檄

臨海陳函煇討賊檄
江陰紀略

江右金王變亂紀略

金聲桓、左良玉部將也。本遼陽衛經歷，職以邊咨歷楊
樞輔、嗣昌史督師可法諸營，累陞至淮徐總兵官，尋隸左
後隊。初，左既敗績，棄樊，退保武昌。恐力不支，藩王撫按司
道紳衿俱不待以如初之禮，敬殊有慙色。每圖屯兵南都，
癸未春至池州，聞有備而還，徘徊東吳之會，老流賊張
獻忠自號八大王，以三百人懸崖而越楊樞輔之園竄逃
間，遇解官兵餉銀至，突前殺而劫之，遂以其號衣旗幟文
乙

書牌票、驢開襄陽城、投棄于江、擄襄城所有、俘其丁壯、以趨黃州、襲破之、復悉脅黃州人、以破武昌、溺楚藩朱文奎于江、盡掠一城、乃以金銀三鉅載、順流而致左帥、且曰：勿統兵來、左衡楚人、待之薄、遂許八賊不發兵、恣其猖獗。八賊流連武昌者半月、乃去岳州。于是武昌人恐八賊再至、復迎左兵鎮之。乙酉春、聞賊李自成日夜東下、是為吳三桂與英王兩路逐北也。急無駐足、遣使約左共取南都。左以李之勢大、不能不從、然亦有衆六十餘萬、不為不多。

矣、乃佯許焉、且期以三日、必兼程而至、使者去、疾令各營
撤屋、拿船、搶米穀滿載、餘者投之水火、歧路交經、深入百
餘里、一椽半菽無存、兩岸之弁、擲比而泊三重、延接五百
里、人民男婦、俱載以行、亦無遺了、甫開船、抵九江、而李闖
至、一望空城、無居無食、三百餘萬衆、一時俱餓死、李闖僅
以二十六騎走興國州、有兵不敢入、山中為柯陳所
殺、江左其以李闖乃陳友諒後身、張獻忠亦張士誠再
生、寔有似焉、更有他賊首率二十騎而東、過楚元天廟、揮

江變紀略

二

騎站山下、獨步至廟、而拜元王像。時有土人以牲醴致祭
 元王、矢心保護村坊、見之、知必為賊首、遽以槓擊殺之、而
 去綏寇紀略不知李閏之死于柯陳也。誤謂李自成死于
 元王廟、左帥既離武昌、欲復趨南都、而無名患之、時弘
光立已半載、朝廷昏亂、馬士英、阮大鍼用事于內、以史可
法督師揚州、宴外處之、又禁北來、崇禎先皇太子于獄、更
有婦女至南京、稱係弘光嫡妃而不認、亦加刑下獄、人滋
不服、久之、都下紛紛言獄中乃王駙馬子、于真太子無與、

東南日夜望真太子來而立之。左客胡以寧因獻計。今為太子手詔趣左帥入靖留都。使客自北來。稱太子有血書手詔付左。佯受詔為坛而哭。洒血誓師。然尚憚江楚督師侍郎袁繼咸在九江。胡以寧舊與袁遊。即遣以寧仍稱太子旨。給袁侍郎會師部署三十六摠兵。而東以江西屬之。金聲桓左之前營馬士秀。愛將也。年少慄悍。先抵九江。九江閉門。守不犒兵。且問奉何明文而動眾。東將何之士秀勒兵攻之。折其勇猛三百餘。真左後至。親詣城下。與袁

江變紀略

三

侍郎語所以袁乃與守道副將縋城下左與之鑽力設誓
 袁以信然遂留宴及歸城已破焚掠殆尽是蓋馬士秀為
 三百餘人報仇且飽其素所欲也而袁所部召督師舊將
 郝效忠郭雲會乘左兵退袁在左舟即踵掠以盡其未盡
 焉袁侍郎三人恚憤其欺不入城旋見左乃素服待罪左
 忙拜跪而謝不知及遍詢乃知馬士秀所為呼而責之馬
 大哭曰宴為三百餘人報復也左因愛將不加軍法惟求
 袁侍郎歸弥縫其事而已袁既入城左之盟義兄弟陝西

周姓者來正色謂左曰方舉事務崇信義乃可服天下心
暮設誓夕襲其城信義烏在左曰我安知馬士秀之所為
乎周曰汝為大將不奉令孰敢擅動左云彼自去豈非我
之令也周曰不請令而用衆以破朝廷之城叛亂矣叛亂
者當誅以軍法不果行尚何辭其辜耶左語塞躊躇憤
懣拔小佩刀以刺己喉遂死于舟中江左某曰左帥猶有
人臣之心焉是宜以帥稱之左帥死軍益亂其子夢庚不
甚長而軀頗胖大父恃其衆有叛志更聽黃州星士陳姓
江變紀略

四

者。諂諛動以帝王之尊雅。謂其生辰。夢庚直受不辭。至握
兵柄。謂天下可八九得。竟劫袁與俱下。次荻港。史督師調
王得功。兵禦之于前。繼以誠意伯劉淩陽。操江兵太傅高
太監督舟師。援之于後。王得功兵僅二萬。勇冠四鎮。以三
百人築小城于版子磯。守之。左兵舳舻數千。不敢下。江南
欲以陸兵與王得功戰。每日五鼓飽食而前。究不知王之
營屯于何所。時多陰雨。淤泥深至三四尺。莫能前。不五六
日而清之。莫王已屯于江北岸矣。滿兵實止二千。所掠婦

女甚多，左以六十餘萬衆，盛甲器械具備，且脅武昌九江
人數十萬，無敢言戰者。清營日有一二人，駕一葉小艇，來
南岸舟次沽酒，有酒者送之，不暇稍遲，批其頰，不敢出一
語以答。越三四日，以天子自為之。左夢庚頻生降志，早乃
蓐食，率三十六將，葡伏。英王張前求准降，英王曰：「汝兵衆
我滿洲僅二千，須整戈而來。」一戰勝負未可知，何求降之
早耶？夢庚哀懇不已，英王乃短衫挾彈而出，諸所擄婦女
皆笑之。日且暮，猶不敢輕去。英王携鳥雀歸，見而叱之曰：

江燮紀略

五

臭蠶奴尚不去耶。乃鼠竄而歸。明晨又復往。俯首屈膝。竟
 日至三日。膝骨痛楚。皮肉破爛。歸而相語曰。明日更不准
 降。彼欲我妻。願與之矣。第四日之清晨。復往。英王曰。汝真
 願降耶。今准汝降。夢庾曰。豈敢有二心。于是左軍三十六
 將皆降。英王令夢庾以父官率諸將入朝。是時弘光逃入
 王得功營。日飲大酒。食犬肉。與小內侍嬉戲。醉則卧。合營
 俱^悲奎憤之。弘光既出南京。襄城伯與京中諸士民于獄中
 扶所謂太子者出。將立之。其口中頻云。今先出。示安民。但

肥瘡遍體臭穢不可聞。崇禎先帝慘死社稷，太子逃難南
趨，悲痛不暇，乃染是瘡耶？江左某曰：其偽可知，而所謀亦
不果。滿兵趨京甚急，京之四十八萬軍兵無隻影，後亦不
知所往。後聞有言人認之曰：狀貌殊似，令其張口驗之，曰：非也。太子滿口之牙皆重疊
者，其所謂嫡妃為湖廣大臣程姓者，名正，字端伯，挾之去，婦甚美。程逼之從，婦大
叱曰：汝以臣子而敢奸母后，當得何罪？豈今清朝我不敢鳴冤耶？我必
擗死以殺汝。程懼，擊折其兩臂，穿之密室，餓至垂斃，撲殺
之，潛投其屍于大江以滅跡。程以為無人知者，不知復有稔之者。江左某曰：美婦人于顛

江寧紀略

六

沛之中而能持身若是聽其辭屬其為嫡妃宜無詐後聞弘光非福王子乃馬士英
 偽推以立之冀得任其奸所以弘光不敢認其故妃恐識其偽也言近是王得功始
 聞清兵渡江孤軍遠駐上游防左未遑援下江變故忽有報至曰花馬劉良佐至
 得功謂其來合兵也喜曰劉兄弟來得一助矣劉花馬有六萬衆豫王渡江率
 衆降豫王即令其統所部招王得功不從乃戰當衆兵應得功不
 知其謀乃便服前迎僅以二十五騎從望見劉遙呼者兄
 弟汝來耶劉悄開弓射中之墜馬從騎拔箭扶之上馬而
 疾馳餘騎抵死拒敵劉不能追得功受傷卧于舟中其中

軍田雄與副將張杰獻弘光于豫王，得功聞之，拔佩刀自
刎。其中營總兵官都督鄧林奇亦死之。後田雄為浙省提
督，張杰為浙省定海水師提督。豫王至杭州，潞王亦降，俱
驅之北。繼成乃隨弘光去。左軍三十六將中，惟金聲桓不
欲往北，乃自請願取江西以獻。英王許之，遂專委聲桓而
不遣一湍兵，但挈其家口而歸京。後因有功，給還之。聲桓
還師南向，與閩部降將王體忠合營西屯九江。聲桓宣言
滿兵旦夕至，馬步二十餘萬，目遣牌諭江西速降，即免屠
江。凌紀略

七

城一日牌升四五次至、巡撫廊招懼、解印而逃、諸有司稽
 紳士民、則皆走、江城內外一空、六月四日、鄉約遂偕市井
 諸無賴、迎金督鎮于九江、初不知更有王體忠也、十九日、
 聲桓至南昌、乃有諸生十數人迎于江干、聲桓戴方巾、被
 青紗金縷、洒線蝴蝶披風、受諸生庭參于舟前、庭參者、初
 見即跪、已起揖、乃又跪、復起揖、稟拜、或四拜、或再拜而
 止、受庭參者、彼跪則拱其起、不令其拜、彼揖則微荅其揖、
 稟拜、則辭曰、不消、竟免拜矣、聲桓固武人、被輕衫、驟受文

謁以唾手得江西喜殊不自勝左右顧從者當如何答禮
且笑且樞引諸生起口中謙讓喃喃若所有云而無其詞
頰涎墜縮如絲迎者及其從官皆掩口而笑當時聞者咸
知其無能為矣聲桓雖心喜猶恐有伏兵徘徊久之乃入
城體忠念江城無人迎之入則與金氏分營而居城東為
王城西為金氏所分當都會喧闐處官府甲第萃焉其偏
裨弟族又多因得分據華劇網羅鄉城諸富家誅殲未逃
諸豪右暴掠既盡乃以漸便宜署置有司官屬陰念江西
江憂紀略

八